



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Fragstück Des Christlichen Glaubens/ an die neuwe Sectische Predigkandten**

**Hay, John**

**Freyburg in Vchtlandt, 1585**

**VD16 H 843**

Vom Sacrament der Bűß.

**urn:nbn:de:hbz:466:1-33985**

# Vom Sacrament der Büss.

Die 67. Frag.

**A**uß was Ursach verwerfft ihr das Sacrament der Büss/ so doch Christus auß seiner güte/den Priestern als Gottes ordenlichen Dienern/dardurch befehl vnd gewalt geben / den Büssfertigen verzeyhung der Sünden zuverleihen / vnnnd gesprochen Johan. 20. Cap. Nemmet den Heiligen Geist / welchen ihr die Sünde werden verzeyhen/denen sindt sie verziehen/vnd welchen ihr sie behaltet/denen sindt sie behalten.

Die 68. Frag.

**E**s möchte einen wunder nennen / wie ihr doch so vil scheetz wort könnet erdencken/das ihr die heymliche Beycht dörfte ein Fleischbanck vnd Mezig der Gewissen heysen / Aber doch welches ist leichtlicher zuthun / vnd heylsamer / seine Sünde einem Priester als dem Statthalter Gottes in geheym zubekennen / mit fürsaz seyn sündiges Leben zubessern / nach altem / löblichen / Christlichem Brauch / oder eines jeden grobe Laster als Unkeuschheit vnd Ehebruch / die etwann einer bezangen hat / in gemeynner versammlung vor männiglichen zu offenbaren / wie ihr zuthun pfleget / nicht ohn grosse Ergernuß aller deren die sich in solchen stücken vergangen haben / das etliche eurwer Religion dardurch in solche Scham vnd Verzweyfflung sindt gerathen / das sie sich ehe haben entleiben vnd umbbringen wollen / als das sie solche öffentliche Schandt erwarten vnd bestehen sollten / wie euch selbs solche Geschichten genugsam bewußt sindt?

Vom